

Эхэ найхан нютагаа эд камта мандуулаар!



БҮРЯАД ҮНЭН

1921 оной
декабриин 21-нээ
гарана

Бүгэдэ
арадай
газетэ

1996
ИЮЛИН
30
Зунай һүүл хүдэлгэн
хошн һарын 15
ВТОРНИК
гарагай 3
№142 (19482)
Газетын сэн
хэлсэтэ.

Байгалай хүннэхи хизаарай Байгаалиин шэлээг - Турамхаан

АЗА ТАЛААНТАЙ ЯБАГ ЛЭ!

"БҮРЯАД ҮНЭН" газетэ мүнөөдэрэйнгөө дуугаарыа Хурамхаанай аймагта, тэрэнэй ажалшадта зориулна. Ушарын юуб гэхэдэ, тус аймагай хүн зон олоороо манай һониндо захи зли, республикынгаа засагай зургаануудай түдмэритэй, бусадшые нютагуудай үргэн нинтэ эрд зоной һуудал байдалтай, ажал хэрэгүүдтэй талсажа байдаг гэшэ.

Эвэнтэй дашарамдуулан, Буряад республикын арадай поэт Николай Гармаевич АМДИНОВТА хандажа, нютаг нугынгаа солото түүдэ тухай дурсан хэлэхыень гуйбабди.

Ганса Хурамхаан гэжэ илангүй, бүхы баргажан голый суута хүнүүд тухай хэлэбэл, зүб гэжэ һананаб.

Тэдэнэй дунда Социалис Ажалай Геройнуудһаа эхлэбэл, таатай ха. Тэдэнэрнай шэн габьяата ажалараа бүхы гүрэн соогоо суурхажа, Алтан Одо энгэртээ дэмы зүүгээгүй бэшэ гү?! Арад зоной байдалые арьбадхана, бүхы хүсэ шадалаа арадтаа зориулан тэдэнэй алдар соло ямаршые сагта мүхэхэгүй. Нэрэ, обогын хэдыдшые хүндэтэй байха юм.

Саашань хэлэбэл, Баргажан дайдаһаа, Хурамхаанһаа гараһан эрдэмтэд, докторнууд, ажалшаддууд олон. Тэдэнэй дунда ахамад, үндэр наһатай профессор, олон залуу үгэнэй багша Жамсаран Сажинович Сажинов болоно.

Манай дайдаһаа гараһан суута дуушад, артистнар, поэдүүд, прозаигууд, генералууд Антон Занданов, Даба Цыденов үргэн олоной дунда эдээжэ болонхой.

Багшанар, врачнууд, инженернүүд, хүдөө ажахын мэргэжэлтэд мүн олон ааб даа.

- Эхэ тоонто нютагтаа үе соогоо хүдэлжэ ябагшад тухай юун гээд хэлэлтэйб?

- Тэдэнэй арадай ажабайдалай үндэрһэн һуури болоно. Хүн хэдышые дээдын табсаңда гараа һаа, нютаг нугадаа үхэр малаа үсхэжэ, талха таряагаа ургуулжа, гал гуламтаяа тахижа һууһан хүнүүдээ сэргэн ябахал.

Энэ арадынгаа амиды мэндэ сагта тэндэрэ тодоржо гараһан суута хүбүүд, басагадын мүн аз аза талаантай ябаг лэ!

- Хэды тингэбэшые һаа, суута хүнүүдэй дундаһаа онсолон тооломоор зон бин юм ааб даа?

- Баргажан дайдаһаа гараһан үнэхөөрөө суута хүнүүд гэхэдэ, Андрей Шибишев, Сахар Хамнаев, Цыден Соодоев, Элбэг-Доржо Ринчино, Гуржаб Очиров, Бадма Балдаков, Гомбо Цыденжанов гээд нэрлэхэ байна.


Дурдагданаһан энэ солотойшуулай тоодо оробогүйбди гэжэ голхорогшод байхагүй бээ гэжэ пайданаб.

Саашадаа манай дайдаһаа суута солото хүнүүд урган гарахал байха гээд һанагдана.

- Хүндэтэ Николай Гармаевич, манай хөөрэлдөөндэ хабаадалсажа, табигданаһан асуудалнуудтамнай харюусаһандатнай баяр баясхалан хүргөөд, ажалдатнай амжалта хүсэнзбди.

- һайн даа.

Геннадий БАДМАЕВ
хөөрэлдөө хэбэ.



Солбон АНГАБАЕВ

НЮТАГТАА

Хэзээшые, хаанашы е
хүбүүншниб гэжэ
Хэлэжэ шадаһан,
тангариглаһан байхадаа,
Түрэл ором, гэрэлтэ дэлхэйм
Түби дээрэ юунһээш сэнтэй!

Шиний нэрэ нэрлэһэн хадаа,
Шинийб гэжэ хэлэһэн хадаа,
Шамдаа гэжэ хандадаг
хадаа,
Шинийнгээ үгэ ойлгодог
хадаа

Энээгүйб хэзээшые шамһаан,
Эрхээгүйб үгэһэн
заяанһааш,
Эсээгүйб үргэн дайдаһааш,
Элээгүйб хүдэлмэри
ажалһааш!

Нюдэмни - шиний нюдэн һэн.
Нүхэдни - шиний нүхэд һэн.
Зүрхэмни - шиний зүрхэн һэн.
Зүүдэмни - шиний зүүдэн һэн.

Хадуур бариһан гарнуудни
Хүсэ шадалшни байгаа һэн.
Эмниг хангал моридни
Бодолойи гүйһэндэл зайгаа
һэн.

Нэрээрээ, алдар солоороо,
Хэлээрээ, хэлэһэн үгөөрөө,
Хэжэ шадаха хүдэлмээрээрээ
Хоноһон байхаб сэдхэлдэш,
Ороһон байхаб ажалдаш.

Уһан булаг, сэсэгүүд соош
Ундалан урган байна!
Уряал, зугаа дуунууд соош
Аялга дагнаань байна!
Үгы, тингээ хадаа
Эхэ ором, энэ дайдам -
Миний, миний
Мүшэн боложо,
Мүнхэдөө дээрэм
Гэрэлтэн байхаш!

Гаарга-Хурамхаан.

ХҮНТЭЙН ТАЛЫН ХҮДЭР АЖАЛШАДТА

ҮРГЭН БҮРЯАД ороноймнай эгээл найхан газарнуудай нэгэн гэжэ тоологдодог Баргажан, Хурамхаан нютагууд холо ойгуур суурханхай. Тэдэ нютагуудай эгээл найхан дэнзэ болоһон Бархан уула гүрээ, манаараа хурылан, хүндэтэ айлиадаа угтадаг.

Алдарта Байгал, арюухан далай руу Баргажан гол тунгалаг уһаа хэтэ мүнхын сагта мэлмэрүүлэн туудег гэшиэ. Энэ нютагай түүхэ гайхалтай баян юм.

Бүри мянгаад жезлэй саинһаа Баргажан-Түхэм, барга монголиууд гэнэн нэрэнүүд хүрээжэ ерэхэн түүхэтэй.

Мүнөө үеын Хурамхаанай аймагай ажал хэрэгүүд тухай, эрхил хүндэтэ хүнүүд тухай түрэл газетынгээ энэ дугарта хөөрэхэмнай. Ушар юуб гэхэдэ, Хурамхаанай аймагта манай газетын уншагшад тон олон юм.

ТОО, БАРИМТАНУУД

• МАНАЙ нютаг үргэн Буряад ороноймнай эгээл хойто захын, сэдбэг хүйтэн уларилтай нютаг болоно. Эсэгэ ороноо хамгаалгын Агууехэ дайнай илалта түгжөөр дүүрэгжэ байха үеэр гэхэ гү, али 1944 оной сентябрь һарада аймаг боложо мүндрөө бэлэй.

• 1959 ОНОЙ декабрь һарын һүүл багта Баргажанай аймагтай нилүүлэгдэ һэн. Харин 1970 ондо дахшаа бээс даанхай аймаг болоһон юм.

• АЙМАГАЙ газар дайда гүн хамтадаа 1 миллион 245 мянган дурбэлжэн километр талмай эзэлдэг. Эндэ 18,300 шахуу хүн зон ажаһуудаг. Тэдэнэй тоодо 595 эвенк тоологдоно.

• МҮНӨӨ аймаг соо 9 сомон байгуулагданхай. Хоёрын эвенк сомонтой нэрэ зүүнэ.

• АЙМАГЫЛА Социалис Ажалай олон Геройнууд урган гаража, нютаг нугаа алдаршуулаа бэлэй. Нэрлэбэл: Ч. Б. Бубеев, Г. Д. Дамбаев, Н. Б. Ринчино, И. М. Терентьев, Ш. У. Тугденов, Х. А. Хурганов, Д. Ч. Цырендоржиев, Ц.Б. Юндунов.

• НЮТАГТАМНАЙ алтан залаа хүнүүдэй тоодо Ленинэй шангай лауреат, геолог В. П. Гагарин, Гүрэнэй шангай лауреат, арадай поэт Н. Г. Дамдинов, Номгон галай дахи заганаһадай флотилин инспекцин начальник Ябанан Соёл Баумаев болон бусад болоно.

АРАДАЙ АЛДАР СОЛОТОЙ



БУРЯАД ороноо, Хурамхаан, Баргажан нютагуудаа суурхуулхан, эдэ зурагууд дээрхи алдар солото артистнуудай нэрэнүүдые дуулаагүй зон үсөөн ёһотой. Россин арадай артист Бадма Мелентьевич Балдаков хадаа баас бүдүүн хоолойтой сууга артистнуудай нэгэн байгаа. Дууша бэлигһээ гадна, хүгжэм дуу, романс зохёохо талаантай, онсо шадабаритай байһан шуу. Илангаяа "Инагтаа" ("Урихан гараараа хүзүүдээ...") гэхэн романснь олондо мэдээжэ болонхой.

Чимита Шанюшкина... "Буряадай гургалдай" гэлсүүлдэг байһан бэлигтэй артистка бүхы наһаяа түрэл "Байгал" ансамбльдаа зорюулаа. Россин арадай артисткын солотой Хурамхаан нютагай дуушанай хонгёо хоолой холуур эдэлээ. Һайхан Чимита Григорьевна республикын Гүрэнэй шанда хүртэбэ.

Россин арадай артист Михаил Елбоновой наадаһан рольнууд, дуулаһан дуунууд республикыннай болон бусад хотонуудай, хүдөө нютагуудай хүн зонике баясуулдаг юм.

Һайхан хоолойтой, уһаа бэлигтэй энэ артист түрэл нютагаа ходоодоо магтан суурхуулдаг, дууладаг һайхан заншалтай.

Б. ДОРЖИЕВА.

ЗУРАГУУД ДЭЭРЭ: Россин арадай артистнууд Б. М. Балдаков, Ч. Г. Шанюшкина, М. Г. Елбонов.

Ц. ЦЫРЕНЖАПОВАЙ,
С. БАЛДУЕВАЙ фото.

Литературна нэгэдэл тухай

БЭЛИГ ТАЛААМНАЙ АРЬБАЖАГ ЛЭ!

1971 оной зунай август нарын жээр "Бургузинская правда" газетэдэ хүдэлжэ байһан журналист Василий Гармаев бидэ хоёр шэнээр эмхидхэгдэн байгуулагдажа байһан "Огни Курумкана" газетэдэ хүдэлхээ ерээ һэмди.

Тэрэ гэхээр аяар гушаад жэл үнгэрөө. Сагай түргэн гүйдэлтэйнь ямар гайхалтай гэшэб? Тэрэ үедэ партин райкомой пропаганда болон агитацин таһагыг даагша, үнэнэй журналист Сыжиб Абидуевич Цыбиков редактораарнай хүдэлхэ болобо.

Аймагай түб нууриной Ленинэй үйлсэдэхи нэгэ гэр бидэндэ үгтэбэ. Тэрээн соо урдань нютагай редакци байһан юм. 1959 ондо энэ байһан соо Сыжиб Абидуевичтай уулзажа, анха түрүүшынхөө дүтөөр танилсажа, газетын хүдэлмэрийн түрүүшын алхамуудые хэжэ эхилээ хүм.

Түрүүшын үдэрһөө шэнэ редакцияда хүдэлхэ гурбан яжа ажалаа эхилхэ, ямар хүнүүдые хаанаһаа шэлэжэ олохо, урижа асарха тухай асуудалнууд гараба. Энэ хүдэлмэри намда даалгадан үгтөө һэн. Юуб гэхэдэ, минии олохон танилнууд эдэб редакцинуудта хүдэлжэ байгаа. Тэдэнэй дундаһаа дүтэ танил залуушуулые уриха гэжэ хэлсэбэди.

Баргажанһаа фотокорреспондентээр Иван Кузнецов ерэбэ. Удаань Галина Шанюшкина Анаголий Тихоновец нүхэртэйгөө ерээ һэн.

Байрааа бэлэн болгоод, досоонь телефонуудые тодохобди. Улаан-Үдэ хотһоо стол, стулуудые, номой шкафуудые дутамаг бэшээр асарбади. Тиигэхээр байтарнай, сентябрь хүржэ ерэбэ. Нургуулинуудай хүдэлмэри эхилбэ.

Бидэ, журналистнар, типографиингаа үшөө хүсэд болон бэшэ байһан тула газетээр барлан гаргаашыггүй һаа, шүлэгүүд болон расказуудые бэшэдэг "залуушуулые суглуулжа хоорэдэхэ, тэдэнгэй һанал бодолоороо хубаалдаха, бэшэһэн юумэлүүдтэйнь танилсаха, тэдэниенъ бараг зэргэһаань, газетэдэ толихобди гэжэ найдуулаха гэжэ шиидэбэди.

Энэшье хүсэлнай бэсэлүүлэгдэжэ, редакциин дэргэдэ эхилэн бэшэгшэдэй нэгэдэл байгуулагдаа бэлэй. Хамтадаа сугларжа, нүхэр янзын түрүүшын хоорэдөөндэ Аллада хүдэлжэ байһан Геннадий Ринчино, багшанарай дэдэ нургуули дүүргэдэ, Майск төсхоной нургуулида багшалха болоһон Владимир Анищенко, аймагай соёлой таһагай хүдэлмэрилэгшэ Карл Бубеев, Уланхаан нуурица ажануудыг мэдээжэ нэст Владимир Лоргоктоев, шүлэг бэшээд турнадаг нургуулиин шабинар хабаадалсаа һэн.

Геннадий Ринчино, Владимир Анищенко, Карл Бубеев гэгшэдэй шүлэгүүд уншагдаа, шүүмжэлэгдэ һэн ааб даа.

Үхибүүдтэ зориулагдаһан хэдэн расказуудые бише табяа һэм.

Иигэжэ мүнөө байһан "Огни Курумкана" газетын дэргэдэхи "Боолон-Түмэр" гэжэ нэгэдэл байгуулагдаа ха юм. Саг жэлэй ошохо тума энэ нэгэдэл ургаа. Гэгшүүдэйнь номууд хэблэгдэжэ захалаа: нэст Владимир Анищенко "Качели" гэжэ ном гаргаа, Геннадий Ринчино "Сэлмэг гуниг" гэхэн шүлэгүүдэй суглуулбари бэлдэ.

Энэ үеэр "Хурамхаанай галнууд" газетэдэ хүдэлхээ ерһэн Дулгар Доржиевагай шүлэгүүд эрдэжэ захалаа. Удаань тусгаар нэст боложо барлагдаа.

Сыжиб Цыбиковэй һүүлээр редактораар хүдэлһэн журналист Михаил Батоин "Мүшэдэй тохёолгон" гэжэ туужа болон расказуудайнгаа ном гаргуулаа.

Поэтесса Дулгар Доржиева, прозаик Михаил Батоин гэгшэднай Буряад орон дотороо мэдээжэ уран зохёолшоод болонхой.

Поэдүүд Геннадий Ринчино, Владимир Анищенко, багша Дамба Хобраков гэгшэд шүлэгүүдэйнгээ шэнэ номуудые хэблэдэ бэлдэдэ байна.

Энэ удаа Дамба Хобраковой хэдэн шүлэгүүдые уншагдаһангаа анхаралда табихамнай.

Г. БАДМАЕВ,
"Боолон-Түмэр" гэжэ нэгэдэлые хүтэлбэрилэгшэ.

Дамба ХОБРАКОВ

ЕРЭНЭ ААБЗА

Удхатай түгэс наһандаа
Үйдхартайб гэжэ бү хэлыт даа,
Бордоһотой шуургата дэлхэйдээ
Байрынь хүрэжэ ерэнэ аабза.
Золтой залуухан наһандаа
Зоболонтойб гэжэ бү хэлыт даа,
Жабартай хүлгөөтэ дэлхэйдээ
Жаргалынь халижа ерэнэ аабза.

Галтай согтой наһандаа
Гасалантайб гэжэ бү хэлыт даа,
Дуута хүгжэмтэ дэлхэйдээ
Дураһинь мандажа ерэнэ аабза.
Нэгэл үгтэхэ наһандаа
Нүгэлтэйб гэжэл бү хэлыт даа,
Бурхата юртэмсэ дэлхэйдээ
Буянгынь буужал ерэнэ аабза.

1996 он, январь.

ДҮҮНЭН

Дүүһэн, дүүһэн -
Дүрбэн тээгээ дүлгтэй.
Дүүһэн, дүүһэн -
Дүлгтэ зүрхым эзэлэнхэй
Дүүһэн, дүүһэн -
Найман тээгээ наратай.

Дүүһэн, дүүһэн -
Дүүһэн абаашан шамай.
Дүүһэн, дүүһэн -
Дүрбэн тээгээ дүлгтэй.
Дүүһэн, дүүһэн -
Найман тээгээ наратай.

АЛТАН ГУЛАМТА

(Дуун)

Хүмөө, Булаг, Шара—Талын
Хүдөө эхин нургуулиин
Түрүүшын алхам хэггэжэ,
Түүхэтэ зам эхилээ.
Арадай гэгээрэлэй
Алтан гуламта —
Аюрзан Будаһинай
нэрэмжэтэ
Аргатын дунда нургуули
Хорёод оной эхиндэ
Холбоо шэнэ нургуулиин
Асари үндэр харуул байһан
Аргатадамнай анхан
томогдоо.
Арадай гэгээрэлэй
Алтан гуламта —
Аюрзан Будаһинай
нэрэмжэтэ
Аргатын дунда нургуули

Эргэм бэлигтэй багшанар
Энэрхы сагаан сэдхэлһээ
Аршаангал мүнхэ эргэмээ
Арад зондоо бэлэглээ.
Арадай гэгээрэлэй
Алтан гуламта —
Аюрзан Будаһинай
нэрэмжэтэ
Аргатын дунда нургуули
Наһин манай нургуули
Наһан эргэмээр мандажа,
Мүнхэ зулаар багарыш даа,
Мүшэтэ замдамни
гэрэлтэжэ!

Арадай гэгээрэлэй
Алтан гуламта —
Аюрзан Будаһинай
нэрэмжэтэ
Аргатын дунда нургуули.

ДУУША ЖЭРГЭМЭЛНҮҮДНИ

Амилхашые айги зонзоноб
Лаажан талынгаа дунда.
Хаанашые борохон жэргэмэл
Хангюурдашаба дуугаа
элхэнээр.
Үүрэй нүлэмхи тэнгэри оодг
Үшөө нэгэ жэргэмэл
гэргэмшэбэ.
Дууша инаг тэгэ хоёр
Дуэт болон хүгжэмдэшэбэ.
Жэргэмэлүүдэй ирагуу
жэргээн
Жэгдэ тэгшээр эхилшэбэ.

Жэгтэй хүюу оркестрэй
Шэгитэ хүгжэмэй
зэдхэлһингэл.
Үүрэй солбоной гэрэл
Үлгөөнэй улаан нарые
Үргэн талада утганаб.
Иймэ һайхан үглөө
Үншэй би үзоогүйб.
Һайханаар сэдхэлһи
нэргэмшэбэ,
Һайн даа, дууша
жэргэмэлүүдни!

БАЙГААЛИААР ТАБИГДАНАН ЗАНДАН

Гурбан жэлэй саада тээ аймагай харьяата Баргажан голлой эхин шадарай Хойто-Байгалай болон Баунтын аймагуудтай хиллэһэн газарта гүрэнэй Жэргын заповедник эмхидхэгдэн байгуулагдаа юм. Тэрэ хадаа байгаалин үзэсхэлэнтэ гоё газар дайдые, ажамидаржа ябаһан ан гүрөөл, арьяатадые, шубуу шонхорые хамгаалха, эхэ байгаалиеень, үшөө хизаарыень хуушанайнь түхэлөөр үлөөхэ хэрэгтэ хамаг анхаралаа хандуулна.

Заповедникэй газар дээрэ ой модыень отолдогшьегүй, эндэ жэмэсшье, домто ургамал ногоошье суглуулан түүдэггүй, ан гүрөөл үргөөн буудадаггүй юм.

Байгал далайда шудхадаг Баргажан голлой дээдэ урасхал шадарай байгаалин хүнэй хүлөөр гэхэдэн түйбэгдөөгүй шахуу байһан энэ хизаар дайдые бурханай табиһан зандань үлөөхэ, аша гушанартаа, үри хүүгэдтээ үеһөө үедэ дамжуулан хүргэхэ гэшэ заповедникэй гол зорилго болоно.

Манай Жэргын заповедник хадаа эзэлжэ байдаг талмайгаараа Баргажанай ба Байгалайхидта орходоо бага. Заповедникэй бүхы хилын утань 267, 5 километр болоно. Тэрэнэй эгээл үндэр газарынь далайн нурууһаа 2250 метртэ оршодог. Заповедникэй эгээн дундань 218 метр үндэртэй Моил гэжэ хада бии. Гэхэтэй хамта тэрэнэй эгээл набтар газарынь Жэргэ горхойной адагта юм.

Жэргын заповедникэй харьяата дайдын эгээл эхэ нуурнуудынь Амут, Малаан-Зүрхэн, Боолон-Түмэр гэгшэдые нэн түрүүлэн нэрлэлтэй.

Эндэ эртэ урдын сагһаа хатуу шанга тахилгатай газарнууд бии байһан гэшэ азб даа. Тэдэнэйн тоодо далайн нурууһаа 1234 метр үндэртэ оршодог Боолон-Түмэр, Нэюу шадарай газарнууд юм. Эдэнэ хадаа түүхын удха шанартай гээд хэлсэдэг.

Гол горхойной, хада улануудайнь ташалангаар нарһан, шэнэһэн, ногоон шэлбэр, хуша гэхэ мэтын модод ургадаг. Заповедникэй хизаар дайдын, ой тайгын гүнзэгдэ булган, хэрмэн, баабгай, шоно, хандагай, буга, хойто зүгэй ороноуд, элдэб зүйлэй шубуу шонхор олоороо амидаран хүгжэнэ. Тэдэнэй зариманиинь республикын болон оройной Улаан дэбтэр соо оруулагданхай. Мүн тиихэдэ хоморой хомор ургамал ногоон, нөөг бургааһадшье бии.

Манай аймагай Жэргын заповедникэй эрдэмтэ хүдэлмэрилэгшэдтэй сугтаг Буряадай гүрэнэй университетэй зоологи болон экологиин кафедрин, мүн тиихэдэ Америкын Вирджини, Калифорни штадуудһаа, холын Чехословакиһаа ерэнэн эрдэмтэд шэнжэлэлгын хүдэлмэри ябуулһан байха юм.

Жэргын заповедникэй эрдэмтэ хүдэлмэрилэгшэ Н.Г. Елаева Россин Эрдэмэй академиин Лимнологическа институтдай эрдэмтэн, Америкын эрдэмтэн Майкл Барц гэгшэдтэй хамта шэнжэлэлгын хүдэлмэри эмхидхэн ябуулжа байха үедөө хөөрэлдөө хэһэн байна. "Тэрэнэ аймагай "Огни Курумкана" газетэдэ толилодоо хэн.

- Эндэхи агаарыньшье, уһаниньшье тунгалаг сэбэр. Эдэ горхойдой уһанһаа амталжа, ундааа харяагсаб. Мүнөө үедэ нимэшүү сэбэр уһатай, тунгалаг агаартай газарнууд юртэмсэ дээрэмнай хомор болонхой, - гэжэ Майкл Барц хэлэһэн байдаг.

Манай эрдэмтэ хүдэлмэрилэгшэд Майск, Алла, Уланхаанай хургуулинуудай хурагшадтай, мүн тэндэхи хүн зонтой нягта холбоотойгоор хүдэлдэг. Ургажэ ябаа үетэндэ заповедникэй газар дээрэ ябаһан ан, арьяатад, шубуу шонхор, ургамал ногоон тухай хөөрөжэ, танилсуулжа үгэдэг.

"Эхэ байгаалияа яажэ хамгаалха байһан тушаа ойлгуулдаг," гэжэ заповедникэй директор Ц.З. Доржиев хөөрэнэ.

Иигэжэ нотагаймнай эгээл хойто захадань Хойто-Муя болон Икадай, Баргажанай хада улануудай бэлшэр дээрэ оршодог Жэргын заповедник хадаа гүрэн турымнай ашаар эхэ байгаалияараа табигдаһан янзаараа үлөөгдөхөн болтогой!

Жэргын заповедникэй хүдэлмэрилэгшэд манай газетэтэй яһала нягта холбоотойгоор хүдэлдэг, эрдэмтэ мэргэжэлтэдынь хирэ-хирэ болоод лэ байгаали хамгаалха талаар һонинуудаа дуулгажа, уншагшадаймнай һонорто табижа байдаг юм.

Ц. ТОГОНОВ,

"Огни Курумкана" газетын редактор.

Фоторепортаж



ЭДЭБХИТЭЙ, БЭЛИГТЭЙ



АЙМАГАЙ соёлой хэрэгүүд тухай "Буряад үнэн" газетэ яһала бэцхэһэн байна гэшэ азб даа.

Аймагай түб Хурамхаан тосхойно "Водник" гэхэн хүдоогэй соёлой байшангай дэргэдэ "Мүргэн" гэжэ арадай аман үгын бүлэг байгуулагданхай юм.

Энэ бүлэгыг эмхидхэхэ хэрэгтэ тус соёлой гуламтын директор Дарижаб Бадаевна Будаевагай оруулһан хубита эхэ гээд тэмдэглэлтэй.

Арадай аман үгын бүлэгэй бүридэлдэ нотагай хүгжэмэй хургуулин баһанар, дууһад Алла Раднаева, Надежда Гармаева, захиргаанай дэргэдэхи соёлой талагай хүдэлмэрилэгшэ Ханда Очирова, наһатай боложо, амаралтада гараһан баһанар Мария Жалсановна Мохоева, Людмила Сызбенюгина Очирова, мүн буряад хэлэ бэлтгэй багша Чернин Очирович Цыремпилов болон

бусад тухай магтан дурдамаар.

Бүлэгэй хүдэлмэридэ нотагай дуида болон лицей-интернадай хурагшад баһал хабаадалсажа, түрэл арадайнгаа түүхэ домогоор, ёһо заншалуудаар, арадай хатар наада, аман үгын баялигаар һонирходог байха юм.

Энэ коллективэй гэншүүн, хургуулин шаби Жаргалма Будаева уран найханай бүлгэмэй хүдэлмэридэ тон эдэбхитэйгээр х а б а д а л с а д а г . Нотагаархидайнгаа урда хатар наада харуулжа, магтаалданы хүртэһэн гэжэ хэлэлтэй.

Жаргалма Будаева хадаа энэ жэлэй "Дангина" гэхэн конкурсо хабаадалсаад, аймаг дотороо шагаржа, түрүү һуурида хүртөө.

Энэ удаа республикын Сурхарбаанай найр нааданда манай аймагай "Мүргэн" гэжэ арадай аман үгын бүлэгэй гэншүүн түгэс бэлдхэлтэй концерт харуулжа түгэсхэлэй дүнгүүдые согсолон таргахадань, түрүү һуури эзэлжэ.

Гадна дууһад Алла Раднаева,

Надежда Гармаева гэгшэ Баргажан нотагайнгаа арадай дуунуудые гүйсэдхэжэ, хүн зониие хужарлуулаа.

Бүлэгэй дууһад аймаг хоорондын лицей-интернадай багша Баяр Балданов, Энхэ Чимитцыренов гэгшэд арадай дуунуудые гоё найханаар гүйсэдхэжэ, Сурхарбаанай ерэгшэдэй анхарал татаа.

Энэ зунай Сурхарбаанай найр нааданда манай аймагай "Мүргэн" гэжэ арадай аман үгын бүлэгэй гэншүүн түгэс бэлдхэлтэй концерт харуулжа түгэсхэлэй дүнгүүдые согсолон таргахадань, түрүү һуури эзэлжэ.

С. БААДУЕВАЙ фото-текст

ЗУРАГУУД ДЭЭРЭ: бүлэгэй гэншүүнэй гүйсэдхэжэ байһан хатар; залуу хатарынь Жаргалма Будаева; дууһаар Чернин Цыремпилов.

Эмхидхэн байгуулагшад - Буряад Республикын Президент, Арадай Хурал болон Правительство

Редактор А.Л. АНГАРХАЕВ.

РЕДАКЦИОННО-КОЛЛЕГИ: РИПЧИПОВ С.Д. (редакторай орлогшо), ЖИЖИТОВ Б.М.Ж. (харюусалгата секретарь), ГАРМАЕВ Р.Б. (Буряад Республикын Президентын ба Правительствогийн аппарат), СУЦЦАРОЦ Д.Д. (Буряад Республикын Арадай Хурал), танагуудые даатшад: ДАНШЕВА Г.Х., ДОНДОГОЙ Ц.Ц., ОЧИРОВ С.Д., САМБЯЛОВА Т.В., ШИПТАЕВ В.Н. (хэблэгэй директор).

Манай адрес:

670000, Улаан-Үдэ, Каландаришвилиин үйлэс, 23. "Буряад үнэн" газетын редакци.

Газетэ хэблэгэй, 2 хуудалан хэмжээтэй. Индекс 50901. Хэлэг 3772. Хэблэг туншагданан саг 17.00.

"Республиканска типографи" гэхэн АО-до газетэ хэблэгдэ. Директорийн телефон: 2-40-45. Б-0079-дэхи номертойгоор бүридхэлэ абтанхай. Заказ № 7814.

Редакциин телефонууд: редакторай - 2-50-96, приёмнын - 2-54-51, редакторай орлогшын - 2-68-08, харюусалгата секретариин - 2-50-52, секретариатай - 2-62-62, танагууд шийтхэн политическэ - 2-55-97 (даагшань), 2-61-35, 2-56-23, социальн-экономическа - 2-64-36 (даагшань), 2-63-86, 2-61-35, 2-67-81, соёлой, эрдэмэй болон хургуулинуудай - 2-60-21, (даагшань), 2-57-43, олонингын хүдэлмэрийн ба мэдээлэлэй - 2-54-93, (даагшань), 2-34-05, 2-69-58; оринуудын - 2-67-81; корректорнуудай - 2-33-61, компьютерна түбэй - 2-66-76. Манай корреспондентүүд: Агинскда - 3-42-19; Закаменскда - 30-61.

"Бурятия" хэблэгэй телефонууд: директор - 2-49-94, бухгалтери - 2-23-67, вахта - 2-35-95.